



Leif Arne Løvereide

Løyve til utsetting av fjelledelgran

Leif Arne Løvereide får løyve til å plante 500 fjelledelgran på gnr. 53 bnr. 4 og 6 i Etne kommune. Det er knytt vilkår til løyvet.

Vi viser til din søknad datert 18. februar om utsetting av fjelledelgran til juletreproduksjon på gnr. 53 bnr. 4 og 6 i Etne kommune.

Innhald i søknaden

Det er søkt om å plante 500 fjelledelgran (*Abies lasiocarpa*) på 3-5 daa av gnr. 53 bnr. 4 og 6 i Etne kommune. Arealet er skildra som bratt terreng, tilbakeført etter anleggsarbeid med mykje overflatestein. Før anleggsarbeidet var her tidlegare plantefelt med fjelledelgran og nordmannsedelgran i tillegg til blanda lauvskog. Det er noko nordmannsedelgran og sitkagran i nærleiken av utsettingsområdet. Formålet er juletreproduksjon, og det er opplyst i søknaden at trea blir hogde før dei set frø.

Fylkesmannens vurdering

Søknaden er handsama etter forskrift om utsetting av utanlandske treslag til skogbruksformål, med heimel i naturmangfaldlova. Ved utøving av offentleg mynde som kan påverke naturmangfaldet skal prinsippa i naturmangfaldlova §§ 8-12 ligge til grunn for sakshandsaminga, jf. § 7.

Informasjon i søknaden, kunnskap om fjelledelgran frå Artsdatabanken og registrerte førekomstar av trua artar og naturtypar frå Naturbase og Artskart ligg til grunn for handsaminga, jf. naturmangfaldlova § 8. Dette gir eit godt grunnlag for å fatte ei avgjerd, og føre-var-prinsippet i § 9 er difor tillagt lite vekt.

Fjelledelgran er ikkje svartelista og er vurdert til låg økologisk risiko, ifølge Artsdatabanken. Utsettingsområdet er tilbakeført etter anleggsarbeid og var før dette nytta til produksjon av fjelledelgran og nordmannsedelgran. Det er ikkje registrert trua artar eller naturtypar i eller grensande til utsettingsområdet.

Det aktuelle arealet er allereie sterkt påverka og trea skal hoggast før dei set frø. Tiltaket vil difor i liten grad bidra til å auke den samla belastninga frå framande barte i området, jf.

naturmangfaldlova § 10. Omfanget av tiltaket er lite, og vi meiner difor at det ikkje er grunn til å anta at utsettinga vil medføre vesentlege uheldige følgjer for naturmangfaldet, jf. utsettingsforskrifta § 7.

Dersom brot på vilkåra i løyvet fører til skade på stadeige naturmangfald må tiltakshavar bere kostnadane for å rette opp i dette, jf. naturmangfaldlova § 11.

Val av driftsmetodar og teknikkar skal etter § 12 ta best mogleg omsyn til naturmiljøet, slik at resultatet gir dei beste samfunnsmessige resultata. Utover dei føringar som følgjer av anna lovverk, som til dømes for bruk av sprøytemiddel og gjødsel, har vi ikkje spesielle merknadar til dette i denne saka.

Vedtak

Leif Arne Løvereide får løyve til å plante 500 fjelledelgran på gnr. 53. bnr. 4 og 6 i Etne kommune. Det er knytt vilkår til løyvet:

- Løyvet gjeld områda avteikna på kartvedlegget til søknaden.
- Alle tre må hoggast før dei set frø.
- Rutinar for å sikre hogst før frøsetting må etablerast.
- Det skal førast logg over produksjonen der tal på tre, treslag og årstal for planting kjem fram.
- Dette dokumentet må gjerast kjent og bli overført til ny grunneigar ved eventuelt eigarskifte.
- Dersom juletreproduksjonen blir avvikla må alle trea hoggast.

Vedtaket er heimla i forskrift om utsetting av utanlandske treslag.

Klagerett

Alle med rettsleg klageinteresse kan klage på vedtaket innan tre veker, jf. forvaltningslova §§ 28 og 29. Klagen skal stilast til Miljødirektoratet, men sendast til Fylkesmannen i Hordaland.

Med helsing

Olav Overvoll
seniorrådgjevar

Jørgen Aarø
rådgjevar

Brevet er godkjent elektronisk og har derfor inga underskrift.